

**Protocol no. 115****Sezzüda da lündeschdi, 3 october 2011 – 20.00 – 22.15**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Claudia Luppi (protocol)

**Protocol**

Il protocol no. 114 da la sezzüda da lündeschdi, 26 settember 2011 vain approvà.

**1020 021 FABRICA**  
**Sar Cla Sarott – Müdamaint fanestras in connex cun chadafö nouva – Sala**

Sar Clà Sarott orientescha ch'el saja intenziunà da rimplazzar la chadafö veglia tras üna nouva. In connex cun quella lavur vules el güst'eir amo rimplazzar las fanestras da chadafö e metter aint fanestras isoladas tenor las normas d'isolaziun actualas sainza chi vegna müdada l'optica da las fanestras (trapartidas)

Il Cussagl cumünal decida da dar il permiss per la lavur da mantegnimaint surnomnada. La taxa da trattamaint importa frs. 50.--

**1021 021 FABRICA**  
**Sar Peter Suter – Lavurs da mantegnimaint vi da l'attach da la chanalisaziun da sia chasa – Bügliet**

Sar Peter Suter orientescha chi fetscha dabsögn da far lavurs da mantegnimaint vi da l'attach da la chanalisaziun da sia chasa a Bügliet.

Il Cussagl cumünal decida da dar il permiss per la lavur da mantegnimaint surnomnada. La taxa da trattamaint importa frs. 50.—

**1023 710.501.02 Sarinera Sur En**  
**Adattamaint dal stabilimaint e da la software dal computer da la sarinera a Sur En**

Per cha las controllas regularas pro'l batschigl da la sarinera a Sur En possan gnir manadas tras tenor las normas da sgürezza pretaisas, esa necessari d'eriger ün pitschen podest cun saiv da sgürezza.

Il Cussagl cumünal fa bun per l'adattamaint sco giavüschè da l'uffizi per natüra ed ambiaint (ANU) ün credit da frs. 4010.—

Ün ulteriur adattamaint es necessari pro la software dal computer da la sarinera a Sur En. Per la colliaziun cun l'attach d'ADSL da la turbina da Sur En chi portess ün lavurar plü effiziant eir per la sarinera, faja dabsögn tsherts adattamaints vi da la software dal computer.

Il Cussagl cumünal fa bun per l'adattamaint da la software ün credit da frs. 4100.—

**1024 860.318.04      Città d'energia**  
**Slogan sco augmaint dal logo**

Causa chi's vuless ramassar plüsas ideas per ün slogan marcant e tipic per Sent sco augmaint dal logo da la "Cità d'energia", decida il Cussagl cumünal d'incumbenar la cumischiun d'energia d'elavurar propostas per ün slogan.

**1025 070                      STABELS D'ADMINISTRAZIUN**  
**Chasa Misoc – Custodi da la sala cumünala**

Per intant vain la chasa cumünala Misoc pulida d'üna nettiadra ad uras e tenor quadern da dovairs. Pel mumaint nu daja però ün pedel respunsabel per l'andamaint da la sala cumünala e da la chadafö chi cumpiglia eir il surdar ed il tour giò da la sala e da la chadafö cur cha quellas vegnan douvradas da differents interessents. Quista situaziun nu cuntainta. Ün concept general dal custodi dal tuot ils stabilimaints cumünals vain actual cur cha nos pedel da la chasa da scoula sar Jon Domenic Vital va in pensiun. Per reglar il custodi da la sala fin cha'l concept general es elavurà ed in vigur, decida il Cussagl cumünal, da verer culla nettiadra duonna Raffaella Calio Lombardo, sch'ella füss pronta da surtour quist'incumbenza.

**1027 72                      ALLONTANAMAIN D'IMMUNDIZCHAS**  
**Concept da ramassamaint d'immundizchas - Petiziun entrada**

In connex cul concept da ramassamaint d'immundizchas nouv es entrada üna petiziun illa quala vain exprimida impustüt la malcuntantezza pervi dal fat cha'l cumün vuless a partir dals 1. schner 2011 levar ils containers privats e inchargiar ils cuosts chi vegnan chaschunats tras il ramassamaint dals containers d'affars cumplettamaing als chaschunaders. Causa cha la fatschenda vain amo sclerida dal giurist dal Cumün, decida il Cussagl cumünal da spettar giò il parair dal giurist, avant co proseguir ils prossems pass.

**1028 140.506.02      Veicul pumpiers**  
**Rimplazzamaint dal veicul da pumpiers cun s-chala ADL**

Il schef da pumpiers orientescha cha'l veicul da pumpiers cun s-chala ADL sto gnir rimplazzà tras ün oter veicul chi d'es d'ocasiun, ma in ün bun stadi. Ils cuosts vegnan scumpartits tenor la clav da scumpart süls cumüns dal consorzi Pisoc. L'import da raduond frs. 40'000.— cha'l cumün da Sent ha da surtour vain tut aint il preventiv dal 2012.

**1029 140.506              Pumpiers**  
**Di da las portas avertas**

Il corp da pumpiers Pisoc organisescha als 28 avrigl 2012 ün di da las portas avertas a Tarasp. Ils respunsabels fan quint cun ün s-chav total da frs. 2'000.- per quel di e dumondan scha eir il cumün da Sent füss pront da surtour sia part dal defizit tenor la clav da scumpart. Il Cussagl cumünal decida da dar quista garanzia da defizit

**1030 140.506              Pumpiers**  
**Controllas da sandà dals commembers dal corp da pumpiers**

Il schef da pumpiers orientescha chi's haja pudü cumbinar cul CSEB cha las controllas da sandà oblicatoricas dals commembers dal corp da pumpiers Pisoc vegnan manadas tras a l'ospidal d'Engiadina Bassa. Il CSEB fa quistas controllas gratuitamaing. Ün cordial ingrazchamaint davart dal cumün da Sent per quista sporta generusa.

**1031 810.501.29 Sanaziuns vias**  
**Sanaziun via da Sinestra**

Il cuntschet fabrichà per reparar il don vi da la via da Sinestra nun ha tgnü. Sün cussagliaziun da sar Gian Clà Feuerstein da l'uffizi per god ed ambiaint pretenda la stabilisaziun da la via ün fabricat plü grond cun drenascha e cuntschet plü stabil.

La lavur vain manada tras a partir dals 24 october 2011 e vain surdatta a redschia a la firma Fabio Bau per raduond frs. 80'000.- tenor offerta cun tarifa da redschia – 10% rabat süllas pajas, 15% rabat süil material e 15% rabat sün l'inventar. Ils cuost totals, cumprais la lavur da la gruppa da god, vegnan calculats cun raduond frs. 110'000.-

Causa cha la sanaziun da la via da Sinestra es urgiainta vain missa inavò la sanaziun da la via d'Uina sün l'on chi vain . Quella lavur vain surdatta tenor las offertas entradas amo quist on, l'execuziun dal fabricat ha però lö pür l'on chi vain, resalv cha'l credit vegna fat bun da la radunanza.

**1032 217.503.06 Sanaziun chasa da scoula**  
**Preproget per part externa da la sanaziun**

Il schef da fabrica orientescha ch'el haja dumndà a duonna Seraina Felix chi ha guadagnà la concurenza da progets per la sanaziun da la chasa da scoula da far ün'offerta per ün preproget per la part externa da la sanaziun chi cumpiglia eir la piazza da posa. Tenor l'offerta importa il preproget frs. 3'000.—excl. IPV (cun tet da cuosts)

Il Cussagl cumünal decida da far bun il credit e da surdar la lavur.

**1033 700.501.07 Sanaziun dals bügls**  
**Sanaziun dal bügls dad Archas Sot e da Bügl Süt**

Il schef da fabrica orientescha cha la sanaziun dal bügls dad Archas Sot vegna a cuostair frs. 4'438.80 e quella dal bügls da Bügl Süt frs. 3'628.80. Quistas lavurs d'eiran büdschetadas pel 2011 e vegnan surdattas a la firma Fabio Bau.

**1034 Orientaziuns**

1. Via da basa Sur En

A regard la via da basa a Sur En es il proget pel mumaint blocà. Il capo orientescha cha sün cussagliaziun da dr. iur. Duri Pally saja da spettar giò la revisiun totala da la ledscha da god chi prevezza üna procedura d'expropriaziun da terrain, in quist caas necessaria, plü svelta ed efficiainta.

2. Insuo-chamaint da las vias cumünalas

Il schef da strada orientescha ch'in dumengia passada sajan gnüdas insuos-chidas las vias cumünalas cun fögls volants politics. Il Cussagl decida d'inoltrar üna denunzcha cunter incuntschaint pro la pulizia chantunala pervi da l'insuos-chamaint da las vias cumünalas.

L'actuara: *C. Ceppi*